

<p><b>Comunu de Bàini</b> Provincia de Aristanis</p> <p>Bia Indipendèntzia, 3 09090 <b>BÀINI</b> (OR)</p>		<p><b>Comune di Villa Verde</b> Provincia di Oristano</p> <p>Via Indipendenza, 3 09090 <b>VILLA VERDE</b> (OR)</p>
<p><b>Telèfunu 0783.939023 – Telefax 0783.939000 - C.F. e P. IVA 00073870958</b> Internet: <a href="http://www.comune.villaverde.or.it">http://www.comune.villaverde.or.it</a> E-mail: <a href="mailto:comune.villaverde@tiscali.it">comune.villaverde@tiscali.it</a></p>		

# *Sa pinneta*

## **Laboratòriu interativu de sa Natura**

Bintitres de su mesi de Argiolas... is arregordus funt cussus de una terra invàdia de su fogu, funt arregordus lègius po sa genti chi bivit in custus logus e in totu sa Sardinnia, chi sunfrit diarratza po is fogus chi dda cracant de sèmpiri.

Po cussu est nàsciu de una idea de su Consòrtziu Due Giare e de su Comunu de Bàini su progetu *Sa Pinneta, laboratòriu interativu de sa Natura*, unu logu aundi bivi una esperièntzia chi trisinnat cun praxeri e commoviri puru, unu viàgiu – contu chi at a podi portai a iscoberri is satus de Monte Arci, sa vida in su padenti, is matas e is animalis chi ddui bivint.

In unu logu centrali feti unu truncu chi, tohendiddu apenas, at a incumentzai a fai sonus e imaginis e a fueddai de contus: at a nai ita est “Sa Pinneta”, cumentis dda apariciaiant e a ita serbaiat a s’inghitzu; at a contai de su Monte Arci, de sa stòria sua e de is arrichesas culturalis e naturalisticas de importu mannu chi tenit; in prus at a chistionai de is fogus mannus de su mesi de Argiolas de su 2009 chi ant abruxiu noixentus etarus de padenti in su satu de Bàini, contaus de chini at biu custa ruina deretamenti in primu personi.

S’at a podi connosci sa vida in su boscu intendidda de is contus de chini ddui bivit. Ant a essi pruschetotu is animalis e is matas de su Monte Arci, cun s’impreu de riprodutzionis pitiadeddas, a contai sa vida insoru, a donai arrespustas a crosidadis e a guidai sa genti in s’iscoberta de su mundu insoru.

C'at a essi una parti intregada a is fogus puru, a is arrexonis prus mannas chi ddu sus faint iscapai e a cumentu si podint prevenni. Cun s'impreu de giogus interativus s'ant a podi imparai cosas meda po agiudai totus, cun pagu cosas puru, a oprigai is satus nostrus de custas ruinas.

Unu logu de amàinu mannu aundi si valoritzat, si donat vida e si fait connosci cun praxeri sa stòria e sa vida in su boscu gràtzias puru a unu modu de contai nou e modernu.

Aici su bisitadori s'at a fai protagonista de unu percursu chi circat de ponni impari crosidadis, fantasias e scièntzia e aundi, cun s'impreu de su digitali, si creat una segunda peddi chi bistit ònnia cosa e ònnia logu.

Feti aici c'at a essi s'esperientzia reali e su contu no at a essi prus de ligi ma de bivi.